



PRESS RELEASE

გავრცელდეს დაუყოვნებლივ
2018 წ. 5 თებერვალი
დამატებითი ინფორმაციისათვის მიმართეთ:
ქეთი რეხვიაშვილს, კომუნიკაციების მენეჯერს
ტელ: 032 222 7495 მობ: 599 095 111
ელფოსტა: krekhviashvili@zrda.ge

USAID-ის პროექტი Zrda იწყებს მცირე გრანტების პროგრამის განხორციელებას ახმეტის მუნიციპალიტეტში

ახმეტა, კახეთის - 2018 წლის 5 თებერვალს, USAID-ის ეკონომიკური განვითარების ოფისის დირექტორი ვერონიკა ლი და ახმეტის მუნიციპალიტეტის მერი იოსებ ქარუმაშვილი შეხვდნენ ადგილობრივ თემებს და მიაწოდეს ინფორმაცია მცირე გრანტების პროგრამის დაწყების შესახებ, რომელიც წარმოადგენს USAID-ის Zrda პროექტის ინიციატივას.

USAID-ის პროექტი Zrda განახორციელებს მცირე გრანტების პროგრამას ახმეტის მუნიციპალიტეტის 9 თემში (ქალაქი ახმეტა, ქვემო ალვანი, ზემო ალვანი, მატანი, საკობიანო, დუისი, ჯოყოლო, ხალაჩანი და ომალო) და დაეხმარება ადგილობრივ მოსახლეობას როგორც ეკონომიკური შესაძლებლობების განვითარებაში თანამედროვე ტექნოლოგიების გამოყენებით, ისე რეგიონის პოპულარიზაციაში ტექნიკური დახმარების გზით. მცირე გრანტების პროგრამის მიზანია ხელი შეუწყოს სოფლის მეურნეობასა და ტურიზმში ჩართულ 60-მდე მცირე ბიზნესს ახმეტის მუნიციპალიტეტის სამიზნე თემებში.

მცირე გრანტების პროგრამა წარმოადგენს იმ პროგრამების გაგრძელებას, რომლებსაც პროექტი Zrda უკვე ახორციელებს ახმეტის მუნიციპალიტეტში და იგი ხელს შეუწყობს პროექტის საქმიანობების დივერსიფიცირებას. Zrda-ს დახმარების შედეგად, ბენეფიციარი ფერმერები უკვე აწარმოებენ ბოსტნეულ კულტურებს და ბოსტნეულის ჩითილებს 5 მცირე სასათბურე სადემონსტრაციო ნაკვეთში. აღსაღნიშნავია, რომ ადგილობრივმა ფერმერებმა ასევე ისარგებლეს „აგროწარმოების ხელშეწყობის პროგრამით“, რომელსაც სოფლის მეურნეობის პროექტების მართვის სააგენტო ახორციელებს სოფლის მეურნეობის განვითარების საერთაშორისო ფონდთან (IFAD) ერთად. რაც შეეხება ტურიზმის განვითარებასთან დაკავშირებულ ინიციატივებს, საოჯახო სასტუმროებს ჩაუტარდა ტრენინგები ელექტრონული მარკეტინგის კუთხით, რათა რეგიონში საოჯახო სასტუმროების მფლობელებმა მიიღონ ცოდნა მარკეტინგული ინსტრუმენტების შესახებ და, შესაბამისად, გაზარდონ შემოსავლების მიღების პოტენციალი. შედეგად, საოჯახო სასტუმროს მფლობელები დარეგისტრირდნენ ელექტრონულ პლატფორმა booking.com-ზე და მათ უკვე დაიწყეს სტუმრების მიღება. დამატებით, გასული წლის მცირე გრანტების პროგრამის ფარგლებში უკვე დაფინანსდა 10 მცირე ბიზნესი ტურიზმის და მომსახურების სფეროს განვითარებაზე ორიენტირებული საქმიანობების განხორციელების გზით.



USAID
ამერიკელი ხალხისათვის

პროექტი გრდს საქართველოში
ZRDA ACTIVITY IN GEORGIA



Chemonics
Development works here

USAID-ის მიერ დაფინანსებული პროექტი ზრდა არის ხუთწლიანი პროგრამა, რომელიც მიზნად ისახავს მდგრადი ეკონომიკური განვითარების ხელშეწყობას საქართველოს ხუთი რეგიონის 81 თემში. ზემოაღნიშნულის მისაღწევად, პროექტი განახორციელებს შემდეგ ინიციატივებს: მიკრო, მცირე და საშუალო საწარმოების განვითარება; სოფლის მეურნეობის შემოსავლების ზრდის ხელშეწყობა; მეწარმეებსა და მყიდველებს შორის საბაზრო ურთიერთობების ჩამოყალიბება და განვითარება; ადგილობრივი ეკონომიკური განვითარების ხელშეწყობა ბიზნესკავშირების დამყარებისა და გაძლიერების მეშვეობით. პროექტი მოიცავს ადმინისტრაციული საზღვრისპირა და ეთნიკური უმცირესობებით დასახლებული თემებს. პროექტის განხორციელების შედეგად სამიზნე თემებში შეიქმნება სამუშაო ადგილები, ოჯახებს გაეზრდებათ შემოსავლები და მნიშვნელოვნად გაძლიერდება ადგილობრივი მოსახლეობის ეკონომიკური მდგომარეობა. დამატებითი ინფორმაციისათვის ეწვიეთ: <https://www.facebook.com/zrda.ge>; www.zrda.ge

USAID-ის საქმიანობის შესახებ საქართველოში: უკანასკნელი 25 წლის განმავლობაში ამერიკმა ხალხმა USAID-ის საშუალებით 1.5 მილიარდ აშშ დოლარზე მეტი თანხის ინვესტიცია განახორციელა საქართველოში. პროექტები, რომელთა მიზანია დახმარება გაუწიოს საქართველოს თავისუფალი და განვითარებული დემოკრატიის მშენებლობაში, მოიცავს შემდეგ მიმართულებებს: ეკონომიკური ზრდის ხელშეწყობა, დემოკრატიული ინსტიტუტების განვითარება და ჯანდაცვისა და განათლების სისტემების გაუმჯობესება. USAID-ი ეკონომიკურ და ჰუმანიტარულ დახმარებას უწევს 100-ზე მეტ ქვეყანას. დამატებითი ინფორმაციისათვის ეწვიეთ: <https://www.usaid.gov/georgia>